

**LAAMU MALI**  
**LEYDI-ANNIYA- BAKKILAL**

**POROJE NUUYGAL SARIYAAJI**  
**LEYDI MALI**

Haatumeere fannuuji	
Puddirka .....	3
TIITOONDE I : BANNGAL HAKKEEJI E GOLLEEJI.....	4
TUMMBITERE I : BANNGAL HAKKEEJI E NDIMAAKU YIMBE .....	4
TUMMBITERE II : BANNGAL GOLLEEJI .....	7
TIITOONDE II : BANNGAL LEYDI E NDIMAAKU .....	7
TUMMBITERE I : BANNGAL LEYDI .....	7
TUMMBITERE II : BANNGAL NDIMAAKU.....	8
TIITOONDE III : BANNGAL LAAMU GOLLIRDO.....	9
TUMMBITERE I : BANNGAL PERSIDAN LEYDI NDII .....	9
TUMMBITERE II : BANNGAL GOFORNAMA.....	15
TUMMBITERE III : BANNGAL NJUB'BUDI LAAMU .....	16
TUMMBITERE IV : SUUDU LAAMU GOLLONOORU HOORE MUM.....	17
TUMMBITERE V : BANNGAL LARME E NDEENAAGU .....	17
TIITOONDE IV : BANNGAL LAAMU DEPPITE'EN.....	17
TUMMBITERE I : BANNGAL SARDIJI MAWDI.....	17
TUMMBITERE II : BANNGAL NO GOLLE ASAMMBILE OO YAARATA.....	19
TUMMBITERE III : BANNGAL SARIYA E SARDIJI GOLLIRDI .....	20
CHAPITRE IV : GOLLIDAL HAKKUNDE LAAMU DARANIIDO GOLLEEJI E LAAMU DEPPITE'EN.....	22
TIITRE V : BANNGAL LAAMU TAYOOBE SARIYA .....	24
TUMMBITERE I : BANNGAL SARDIJI MAWDI.....	24
TUMMBITERE II : BANNGAL KUUR SIPEREMU.....	25
TUMMBITERE III : SUUDU NUUYGAL SARIYAAJI.....	26
TUMMBITERE IV : BANNGAL KUUR KONTUUJI.....	28
TIITOONDE VI : BANNGAL KONSE KUMANIIDO KEBAL, NEDDAAKU, HAWAALU E FINAA- TAWAA.....	29
TIITOONDEE VII : BANNGAL YUB'BONNDIRAL KUBEEJEE LEYDI .....	31
TIITOONDE VIII : AMEERI'EN GEELLE E HAALA NANEE'EN .....	31
TIITOONDE IX : BANNGAL DEENTAL AFIRIK .....	31
TIITRE X : BANNGAL AADIJI E KAWRE LEYDE ADUNAARU NDUU .....	31
TIITOONDE XI : BANNGAL YEEWTUGOL.....	32
TIITOONDE XII : BANNGAL SARDIJI KEERTAADI.....	32
TIITOONDE XIII : BANNGAL SARDIJI YABBOTOODI.....	32
TIITOONDE XIV : BANNGAL SARDIJI TIMMINIRDI.....	33

## Puddirka

Biɓɓe Mali, hewtube ndimaaku mum,

Fiinanɓe keewal neesuuji, haalaaji e diinaaji;

Ƴayruɓe taariki mum'en goodudo duubi ujunaaji kaɗum e yimɓe eɓe iwi e mum ɓee;

Ronube laamuuji goodunoodi gila ko ɓooyi, leydi joginndi neesuuji e nedɗaaku, finaatawaa, jamaanu hannde oo e jamanuuji garooji dii kaani jemmbeede;

Rewuɓe miiɗooji sa'iidi'en laamu tubaaku, e yimɓe ardiibe en haɓaniibe ndimaaku leydi ndii faa yottoo yimɓe heddiibe ley wolde ley humanagol leydi ndii, e darnugol laamu gattonoowo hakkille, demokaraasi e laamagol lobbol;

Saabe masiiba mo leydi ndii wonndi e mum duubi kuurɗi hannde, so sabimbinani ɓiɓɓe leydi ndii e laamu oo torraaji keewɗi sanne;

Taweede toɓɓugol kaanankooɓe e faggitagol jawdi tunnundi ana bonna golleeji pewtudi yirwingol leydi ndii;

Downtanaade yirwingol baaldal e dewrintinal ɓiɓɓe leydi ndii dow rewde annditordɗe yimɓe e keewal neesuuji;

Daranaade haybugol leydi e ndeenaagu mum yo waajibi e tabintidde ndimaaku mayri;

Pellisiɓɓe darjinde jawle finaatawaa, tabitidɗe e miijaade fuu, reenude jawle tawaade ley leydi ndii feewde jamaanu hannde oo e jamanuuji garooji dii;

Anniyiibe yirwinde nguurdam lobbam jamaa mum'en, semmbinde nafa demokarasi kebaado caggal murtere ɓiɓɓe leydi wadunde 26 marsi hitaande 1991 e yirwinde miiɗooji moyɗiɗingol leydi ndi yimɓe Mali kawri e mum;

Bamii aadi reenude ndimaaku leydi ndii, ndeental leydi mayri e kibɓal mayri;

Ana hollita humanagol leydi ndii banngal dɔwtanagol sariyaaji mayri e potal diinaaji;

Bamii aadi wadde ko waawi fuu faa haɓa e toɓɓugol kaanankooɓe kaɗum e faggitagol jawdi tunnundi e yirwinde laamagol lobbol;

Bamii aadi daranaade yirwingol alhaali nguurdam yimɓe e reenugol hawaalu leydi ndii;

jabani sariya mawka daraniika hakkeeji biɓɓe – aadaama, sariya joyyinaaka jenne 10 lewru desaamburu hitaande 1948 kaɗum e Sariyaaji Afirik banngal hakkeeji Bii-aadama e yimbe jenne 27 lewru juwen hitaande 1981;

Bamii aadi daranaade teddingol hakkeeji biɓɓe – aadaama, dow wattande hakkille hakkeeji rewɓe, sukaabe e yimbe jakuɓe, aadiiji e kawre de leyde piliide ‘en, leyde ruunde Afirik kaɗum e leyde godde ley Aduna darnii caggal leydi ndii, so Mali sippini tilii tabintini dum;

Bamii aadi habude e kala garɗagol hakkeeji yimbe;

Bamii aadi daranaade tabitiggol dental Afirik, yirwingol jam, paabondiral hakkunde leyde keeronndirde dee, leyde ruunde Afirik kaɗum e leyde godde ley Adunaaru nduu, biltugol baasiji hakkunde leyde ley kaaldal dow rewde sariya, potal, ndimaaku e ndimaaku leyde;

Jabani ngal Nuuygal sariyaaji, ngal pudirka kaa jeydaa e mum faa hibbi:

## **TIITOONDE I : BANNGAL HAKKEEJI E GOLLEEJI**

### **TUMMBITERE I : BANNGAL HAKKEEJI E NDIMAANKU YIMBE**

**Sariyaawol 1<sup>bol</sup>** : Malinkooɓe fuu ngootum gila nde ndimeteede, ebe poti duu banngal hakkeeji e golleeji leydiyankaaku. Kala burdinal pewtungal iwde yimbe, nooneji, demle, siiji yimbe, so joomum gorko naa debbo, diina joomum naa hakkillaaji joomum ana hada.

**Sariyaawol 2** : Binngel-aadama ana haandi e teddineede, mo haana yottineede baasi fuu. Homo kala ana haandi e nguurdam, ndimaaku, ndeenaagu e kibbal caldi mum.

**Sariyaawol 3** : Leydi ndii gaarintinta reenugol suka iwde e soottugol yimbe e luutti sariya goddi e winndagol ley pelle murtereɓe bombe .

**Sariyaawol 4** : Fey gooto waawaa wajimbineede dow mum torra bonɗo, maccungaaku, gollude golleeji bonɗi cattudi, aybinooj+i.

Kala nedɗanke, golloowo Leydi ndii nanngaado e dii golleeji, so wii hoore mum, so godɗo yamiri dum, waran jukkeede hono no sariya wiiri nii.

**Sariyaawol 5** : Fey gooto ferngo waawaa wajimbineede dow mum.

Kala bii-aadama torraado ngam goondinal mum politik naa diina, jeygol mum e lepol, ana waawi hebude hakke ferngo faa reeno ley leydi ndii.

**Sariyaawol 6** : Kala bii-aadama mo huunde taweteende ana itta ndimaaku memii dum won hakke yeewtude hoore mum to dogotoro mo muuyi.

Fey gooto waawaa nanngede uddee ko furi leeruujji debe e jetti so wanaa so dow yamiroore juuju.

Fey gooto waawaa nanngede uddee e gollirde kasu so wanaa so juuju hokki talkuru nanngirdu.

**Sariyaawol 7** : Kala bii-aadama fuu won hakke e sariya jaadirdo kanum e sareneede ley sarti kakindiido.

Hakke walleede banngal sariya, faaboreede awoka mo muuyi, ana garintina illa e anketti aranndeejo oo.

Kala noddaado sariya fuu ana tuumanaa felnaaki illa doo faa suudu sariya nduu tabintina felloore ndee e makko.

Gooto fuu e jukkungo mum. Fey gooto waawaa jokkiteede, nanngede naa happeede so wanaa so taw sariya tabintinaama ko adii golleeji mo jinjaa e mum dii.

**Sariyaawol 8** : Kala ko sariya hadaali fuu waawaa hadeede, fey gooto duu waawaa wajimbineede wada ko ka yamiraali.

**Sariyaawol 9** : Dewgal e galle ngoni nuuyle mawde de nguurndam jamaa nuusii e mum ; Laamu leydi reenata dum, so yirwina dum hakkunde jamaa leydi.

Dewgal yo deental hakkunde debbo e gorko.

**Sariyaawol 10** : Jannde, ekkitagol golle, suudu, yewtereeji, cellal, ndeenaagu yimbe, naamdu e hebogol ndiyam yo hakkeoji andditaadi, di homo kala haanddi.

**Sariyaawol 11**: Kala bii-leydi fuu ana haandi e janngineede. Jannde foroba ndee yo waajibi, nde yobantaake, nde fonnunde dinaaji.

**Sariyaawol 12**: Tawregol ngeennga, naa nokku mo jeyri gi'al daande mum, kabaaruuji keertanaadi neddo, naa duu jogagol galle ngal nguurndam mum keertaadam, naa duu taykaaji di neddo fuu taykente, naa duu sirri caawiido ley bataakiji binndaadi naa ley martirde-kumpa godde, yo hakkeoji keertanaadi bibbe leydi fuu. Dum waawataa duu woorteede, ko yawti ley sardiiji di sariya darni.

**Sariyaawol 13**: Fay neddo gooto waawataa hadeede hakke jeyde huunde gi'al daande mum. Fay neddo gooto duu waawataa teeteede nokku, ko yawti nokku mo nafaa mum fewti Laamu Leydi.

**Sariyaawol 14:** Neddo fuu ana jogii hakke hollitiggol ko woni e miilo mum, hakkille mum, diina mum, finaa-tawaa mum, muuyde mum, kaɗum e bamugol haala, tawee ana dɔwtanii ko sariya yamiri.

**Sariyaawol 15:** Haalugol e winndugol ley martinirde kumpa, kaɗum e jogagol hakke e bannal faamangol kabaaru fuu gardo, yo kulle de bibbe leydi keertanaa; dum hakkeji di be mbaawataa hadeede. Edi ndoga dow sardiji di sariya darni.

**Sariyaawol 16:** Laamu Leydi ana anndani bibbe leydi hakke mum'en tewtude bantaare ley neenal e ley finaa-tawaa leydi, ley sardiji di sariya darni; kasen duu be mbaawataa hadeede.

**Sariyaawol 17:** Laamu Leydi ana hokka gooto fuu hakke yaagol e wargol, subagol nokku mo yidi wonude e mum, darnugol waalde, joyyingol batu, wadugol higgere, faa yottoo maajagol jamaa, dow sardiji di sariya darni.

**Sariyaawol 18:** Kaandal e golle e fooftere ana anndaa e fotu e kala Fey gooto waawaa wajimbineede golle anniyaado so wanaa taw dum laatoo golle keertanaado nafaa foroba, potudo e kala, dow sardiji di sariya darnii

**Sariyaawol 19:** Ndimaaku senndika ana garintina. Senndika wadan golle mum tawee waldaa e billaare, walaa kaaddi ngonndi kinaa dow sardiji di sariya darnii.

**Sariyaawol 20 :** Kaandal e salagol golle ana garintina hakke yoppude golle. Engal wadfiree dow rewde laawi sariya gollirteedi hannde dii.

**Sariyaawol 21 :** Ndimaaku gollande hoore mum ana garintina dow rewde laawi sariya gollirteedi hannde dii.

**Sariyaawol 22 :** Kala bii-aadama fuu ana haandi e hawaalu ceniido, niibudo.

## **TUMMBITERE II : BANNGAL GOLLEEJI**

**Sariyaawol 23** : Kala leydiyanke gondo ley leydi Mali ana haani dɔwtanaade nuuygal sariya ngal e ley alhaaliiji dii fuu.

**Sariyaawol 24** : Habanaade suudu-baaba ana wajimbini e leydiyanke fuu  
Leydiyanke fuu keɓudɔ duubi 18 ana waawi naatude e soldasaaku faa habonoo suudu-baaba.

**Sariyaawol 25** : Reenugol hawaalu e yirwingol alhaali nguurndam ana wajimbini e leydiyanke fuu kapum e laamu leydi.

**Sariyaawol 26** : So won masiiba maataa, kala leydiyankooɓe fuu ana kaani faabaade dow sardiiji di sariya darnii.

**Sariyaawol 27** : Kala leydiyanke fuu ana haani gollude golle bii-leydiyankaaku, hono yobude lampooji mum.

**Sariyaawol 28** : Kala leydiyanke fuu ana haani humanaade golle foroba, teddinde e haybude jawdi foroba.

Sariyaawol 29 : Kala leydiyanke fuu kalfinaadɔ laamu naa jogiidɔ darnde wonnde naa daraniidɔ gollal sarwuusi foroba ana haani gollude wondude e hakkille, dewal e laabal.

## **TIITOONDE II : BANNGAL LEYDI E NDIMAAKU**

### **TUMMBITERE I : BANNGAL LEYDI**

**Sariyaawol 30** : Mali yo leydi ngootiri hewtundi ndimaaku mum, ndi feccataake, ndi demokaraasi woni e mum, ndi potal diinaaji, njogiindi nedɗaaku  
Sardi mayri yo laamu biɓɓe leydi, wii mabɓe e gidaade mabɓe.

Kapital leydi Mali yo Bamako. Engal waawi sottineede yaade e nokku godɗo ley leydi dow bi'aangol sariya.

Annditorde mayri yo deesewal joogiingal nooneeji tati caawngal leppi tati dartiidi potudi : hufɔ-heccowol, oolol e bodewol.

Kunorgol mayri yo: « Leydi - Anniya – Bakkilal ».

Yimre ndimaku leydi ndii yo: « Mali ».

Sariya sifotoo maade mayri, tiloo darna sardiiji e laawi nawtoragol majje.

Kala nawtoragol bonngol e bonnugol sifaaji leydi ndii ana jukkee ley sariya

**Sariyaawol 31:** Demle leydi ndii yo demle de sarwuusi Mali haalata.

Sariya onngoowo gooto sifotoo sardiiji e laawi nawtoragol majje.

Faransinkoore yo demngal gollirgal.

Laamu oo ana waawi subaade demngal gonngal faa ngal laato gollirgal

**Sariyaawol 32:** Potal diinaaji luuttondiraa e dinaa kapum e kulle deweteede godde. Faanda maggal yo yirwinde e semmbinde baaldal lobbal dow mupondiral, kaaldal e paamondiral.

Laamu leydi ndii gaarintinta teddingol kala dinaaji, kulle deweteede godde, ndimaaku wonki e waawde rewde ko muuyi hono sariya wiiri nii.

**Sariyaawol 33:** Laamu jamaa ana fawii dow sardiiji paabondiral, potal, jaadiral, reenugol e naatondiral jamaa. Laamu fiyan dabareeji tilsudi yalla nawtoragol majji ana heba sellude

**Sariyaawol 34:** Golle laamu ana tuugii sardiiji pawidfi dow rewgol ndimaaku leydi ndii, subagol kaanankoobe yimbe e reenugol hakkeji mum.

**Sariyaawol 35 :** Laamunke fey gooto waawaa, fati o naata e farati jukkungo, nawtoraade laamu mo o jogii ley nuuygal sariya ngal naa sariyaaji goddi goodufi faa tawee omo wujjana hoore makko jawdi foroba, naa mo wujjana laamunkoobe, kooreeji galle, baale, naa kala goddo tawaado fuu saabe heedaare, yurkuyurku, jamma, soodde hakkille neddo, naa mapeeje godde

**Sariyaawol 36:** Jonngirde mawde leydi ndii yo:

- Hooreejo leydi ndii ;
- Gofornama oo ;
- Parleman (Suudu wotoobe sariyaaji) ;
- Kuur siperemu ;
- Suudu nuuygal sariyaaji ;
- Kuur daraniido kontuuji ;
- Konse kumaniido kebal, neddaaku, hawaalu e finaa-tawaa

### **TUMMBITERE II : BANNGAL NDIMAaku**

**Sariyaawol 37 :** Bibbe-leydi ndii darontoo ndimaaku leydi ndii, ley majjum, heyaabe subaabe ley woteeji bee naa duu referandom daronto tabintingol majjum.



Gubal yimbe fey gootal, non neddo fey gooto waawaa hokkude hoore mum oo golle  
**Sariyaawol 38** : Wote oo yo wote jamaa fuu, omo foti e kala, omo wadiree cuuccukka.  
Omo waawi laataade wote cuppiido naa wote subtaabe  
Ley no sariya darniri nii, wotoobe yo kala bibbe-leydi Mali, so be rewbe, so be worbe,  
yottiibe wotude hibbinbe hakkeji bii-leydiyankaaku e politikaaku mum'en.  
**Sariyaawol 39** : Baale politik dee ndadondiran e ley wote. Ley majjum, be ndeentan be  
ngada golleeji mabbe hono no sariya wiiri nii.

Ebe kaani dwtanaade sardiiji ndimaaku leydi ndii, demokaraasi oo, kibbal leydi ndii,  
gootummaaku mayri kapum e potal diinaaji leydi ndii.

**Sariyaawol 40** : Baale sosiyete siwil dee darontoo tabintingol leydiyankaaku banngal  
demokaraasi hono no sariya wiiri nii.

**Sariyaawol 41** : Laamu oo daronto tabintingol ndimaaku mum oo dow leydi ndii fuu .  
Laamu oo waawaa yoppude fey tayre wootere leydi ndii, non duu waawataa dalde hakke  
fey gooto kabbondirido e ndimaaku mo donnata dow mayri oo.

Kala golle fuu luuttondirido e kibbal leydi ndii yo jaakko'aaku pewtudo ndeenaagu leydi,  
ndii

**Sariyaawol 42**: Laamu ana jogii hakke mawdo dow jawle tawaade gonde ley leydi ndii  
Nawtoragol majje ana haani garintineede dow dwtanagol sariyaaji reenugol hawaalu oo,  
tawee duu edum nafaa jamaanu goodudo e garooje oo fuu.

### **TIITOONDE III : BANNGAL LAAMU GOLLIRDO**

#### **TUMMBITERE I : BANNGAL PERSIDAN LEYDI NDII**

**Sariyaawol 43**: Persidan leydi ndii woni hooreejo mayri. Kanko haybata nuuygal sariyaaji  
dii. Kanko daronto gootummaaku leydi ndii. Kanko woni garanti ndimaaku leydi ndii,  
kibbal mayri, teddingol aadiiji e kawre leyde adunaaru nduu. Kanko haybata no golle laamu  
foocorto, reenata jokkondiral leydi ndii.

**Sariyaawol 44** : Persidan leydi ndii tinndinta politik mayri

**Sariyaawol 45**: Joonde laamu persidan leydi ndii yo duubi joy. Wote cuppiido mo  
wotantee. Nde wootere tan mo waawi wotaneede kasen.

No laatii fuu, persidan fey gooto waawaa yaabbaade joolle didi dee.

**Sariyaawol 46**: Kala tewtoowo laataade persidan leydi ndii fuu ana haanii laataade bii-  
leydi ndii gila e iwdi, mo haanaa tawreede talkuru hollooru omo jeyaa leydi ngonndi  
pennde omo tewta laamu oo.

Omo haani tawreede hakkeji leydiyankaaku e politikaaku dii fuu. Mo tawree needi e laabal lobbal

Famdi fuu o tawree duubi 35 e heewi fuu fati mo bura duubi 75 so omo tewta laamu, tawee duu omo waawanii golle oo.

**Sariyaawol 47:** Wote persidan keso leydi ndii watte famdi fuu balde capande nay e joy e heewi duu fuu balde capande jeegom ko adii timmugol joonnde persidan goodudo oo.

**Sariyaawol 48:** Hooreejo leydi ndii ana suboree dow bural mawngal hakke wotube So ngal hebaaka ley wote arande oo, wote didobo landinante ley alan tatobo jokkoowo e jaabu mo suudu nuuygal sariyaaji nduu holliti e wote arandeejo oo.

So, ley balde jeddi adiide wote arandeejo oo dee, gooto e tewtoobe laamu bee maayii naa won ujuuru hanndi dum, Suudu nuuygal sariyaaji nduu ana waawi sottinde sarti wote oo, tawee o yabbaaki balde sappo e joy.

Wote didobo oo ana feewti wotanteebe didon hebube bural mawngal wotube ley wote arandeejo oo.

Gotanteedo burdo fuu heewde adadu wotube yo kapum subetee

So gooto e tewtoobe laamu hebbe yaade e wote didobo bee maayii naa yaltitii hen naa won ujuuru hewtii dum, kanndida jokkoowo e makko oo bamata darnde makko.

Hakkunde woteji didi dii, so gooto e kanndida' en bee maayii, naa ujuuru hewtike dum, Suudu nuuygal sariyaaji nduu ana waawi sottinde wote oo tawee yabbaaki balde sappo e joy.

**Sariyaawol 49:** Suudu nuuygal sariyaaji nduu haybata foocagol wote persidan leydi ndii ; kayru sarata kiiti gullitaali gadaadi e wote oo, ndu tiloo ndu hollita jaabu wote oo.

**Sariyaawol 50:** Sariya hibbintinta sardiji kabbondirdi e wote persidan leydi ndii.

**Sariyaawol 51:** Golleeji hooreejo leydi ndii yaadaata e golleeji politiki goddi, joonnde wotanteende wonnde, yaadata duu e darnde wonnde hebirteende wote, golle laamu godfo e kala golle naannoowo jawdi.

**Sariyaawol 52 :** Ley joonnde makko kanko persidan oo, mo waawataa, so kanko e hoore makko, so nelaado godfo, faggitaade naa lubaade fey huunde wonnde e jeyal leydi ndii. Mo waawaa duu, so kanko e hoore makko, so nelaado godfo, tewtude gollande foroba naa yimbe dow musaka, wonande jonngirde naa gollirde mawde de laamu yamira haybude.

**Sariyaawol 53:** So ujuuru hadii hooreejo leydi ndii wadde golleeji mum ley wattu seeda, laamu makko oo, halfintee Permel minisiri oo.

So joonnde persidan leydi ndii booldi, ko laati sabaabu mum fuu naa ujuuru tilsundu naa timmundu tayka mum hollitaa Suudu nuuygal sariyaaji nduu iwrude to persidan Asammbile, persidan sena e to Permel minisiri, golleeji persidan leydi ndii tottete ndenkaa

persidan Asammibile oo. So won ko hadi mo, so yoppitin laamu naa maayde naati hen, golleeji makko dii tottete persidan Sena oo.

Wote persidan leydi keso watte famdi fuu ley balde capande jeenay e heewi fuu ley balde teemedere e noogay caggal taykagol booldugol joonde ndee naa ujuuru tilsundu timmundu nduu.

Kaananke loomtiido persidan leydi ndii oo waawaa laataade kanndida ley wote bi'aado oo. Ley alhaaliji booldugol joonde dii fuu, loomto oo waawaa donnude dii sariyaaji 57, 60, 69, 70 e 184 gondi ley nuuygal sariyaaji goodungal ngal.

**Sariyaawol 54** : Hooreejo leydi cubaado ley wote, ana fudfa golle so Persidan laamiido oo, sarti keertanaado golle mum timmi.

**Sariyaawol 55** : Fade makko fudfude golle, Hooreejo leydi ndii waatoto yeeso Suudu nuuygal sariyaaji nduu, yeeso jamaa teddufo, ngol doo baatorgol:

*« Mi huniima, yeeso Alla e yimbe rimbe Mali, rewde e rewnude nuuygal sariyaaji ngal e sariyaaji goddi, reenude laamu leydi ndii, wadde golleeji am dow nafaa mawdo leydi ndii, reenude hakkeji e ndimaaku bii-aadama, kebe demokaraasi e jawdi foroba, gaarintinde ngootummaaku leydi ndii, hewtaare suudu-baaba e kibbal leydi ndii, laataade dewoowo laabude leydi ndii, wadude ko mbaaw-mi fuu banngal tabintingol denntal afirik.*

*So mi fiiritii ngol kunol, ala yo pati leydi ndii hoolam kasen, jaarre sariya oo mema kam ».*

**Sariyaawol 56** : Caggal yambere joyyingol e laamu ndee, persidan leydi ndii hollitan jawdi mum fuu e binndi weedfa persidan Suudu daraniindu konti jawdi nduu. Nduu talkuru kollitol jawdi heydintinte hitaande fuu faa yoppugol golle.

Persidan daraniido konti humpititta yimbe dow ko tabintinaa e golle talkuru nduu kapum e ko haani heydintineede e mayru.

**Sariyaawol 57** : Hooreejo leydi joyyinta Permel Minisiri ; kanko waawi duu ittude on e darnde mum Persidan leydi ndii joyyinta yimbe gofornama wobbe bee caggal lamndondiral makko e permel ministiri oo, kanko waawi duu ittude ee e dardede mabbe.

**Sariyaawol 58** : Hooreejo leydi ndii laamotoo batu ministiri'en bee. Permel ministiri loomtotoo mo dow yamiroore makko, kapum yamirta duu ko batetee dow mum koo.

**Sariyaawol 59**: Persidan leydi ndii sellita sariyaaji bamaadi dii ley balde sappo e joy caggal nde gofornama oo hokkaa sariyaaji kawraadi dow mum dii.

So wardi e hepaare, selligol sariyaaji bamaadi dii ana waawi wadeede le balde jeetti. Fade sarti oo hibbude, persidan oo ana waawi tewtirde depite'en bee mbata kasen dow sariya kaa naa yoga e sariyaaji dii

Oo batu waawaaka saleede, kanko duu darnata sarti selligol ngol.

**Sariyaawol 60:** Hooreejo leydi ndii, dow bi'aangol mum naa e bi'aangol Asammibile e Sena, caggal yamiroore nde Suudu nuuygal sariyaaji nduu yeeyni ley juurnal ofiisel, omo waawi yamirde referandom wadee dow kabaaruuji nafaa leydi ndii, dow heeyo sariya pawiiɗo dow jubbondiral laamuuji, jabangol kawral deental naa yamirgol sellingol aadi taweteendi won garte dow no golle sarwuusiiji mawɗi laamu oo yaarata, tawee ɗun luuttaali nuuygal sariyaaji ngal.

So referandom oo sellinii jabugol poroje oo, Persidan leydi ndii tonngan sariya kaa ley sarti gondo ley sariyaawol 59 ngol.

**Sariyaawol 61:** Nde wootere ley hitaande, ley lebbi tati arandeeji ɗii, Persidan leydi ndii sefoto dow alhaali leydi ndii ley batu deppite'en bee.

**Sariyaawol 62:** Persidan leydi ndii neldan persidan Asmmibile oo e persidan Sena oo bataakiiji, ɓe njangga ɓe kumpitoo. Caggal joonde ndee, Asammibile nasonal e Sena njoyfinan batu kertaado dow majjum.

**Sariyaawol 63:** Persidan leydi ndii woni hooreejo toowɗo soldaasi en. Kanko woni hoore batu ndeenaagu leydi ndii e komite ndeenaagu leydi ndii.

Persidan leydi ndii yamirta moobondiral mawngal jamaa tiloo holla laawi no leydiyanke faabortoo suu-baaba so ɗun tilsii.

**Sariyaawol 64:** Persidan leydi ndii woni hooreejo toowɗo Konse mawnde juuju bee.

**Sariyaawol 65:** Persidan leydi ndii jogii hakke yaafago kasunkooɓe. Kanko hollata sariyaaji yaafaamuya ɓameteedi.

**Sariyaawol 66:** Persidan leydi ndii sijninta jamirooje ɓamaade ley batu minisiri en.

**Sariyaawol 67:** Persidan leydi ndii joyfinata yimɓe ley joolle toowɗe ɗe sariya darni.

Sanseliye mawɗo leydi ndii, ofisee'en mawɓe bee, ammbasadeer en e nelaabe heertaabe bee, goforneer en reeson bee, direkteer en sarwuusiiji mawɗi bee fuu yo dekere ɓamaado ley batu minisiri en joyfinata ɗum'en.

Joyfingol maɓɓe ana fawii dow sardiiji mawɗi banngal baawe, mbarkaanaaku e laabal

**Sariyaawol 68:** Persidan leydi ndii joyfinata ammbasadeer en e nelaabe heertaabe ley leyɗe godɗe e ley baale leyɗe adunaaru nduu.

Ammbasadeer en e nelaabe heertaabe ana neldee nokku makko kanko duu.

**Sariyaawol 69:** Persidan leydi ndii ana waawi, caggal lamndondiral mum e persidan'en Saamburuuji deppite'en ɗiɗi ɗii kaɓum e persidan Suudu nuugal sariyaaji nduu, yamirde sammingol Asammibile nasonal.

Sammingol Asammbile ngol waawaa wadeede ley lebbi sappo e didi aranndeeji caggal joodagol makko, naa duu so tawii hiitagol laamu hollitaama jabaama.

Woteeji mawdi dii ana gadee famdi fuu ley balde capande jeegom naa heewi fuu balde teemedere e noogay caggal sammingol Asammbile

Sammingol gonngol fuu waawaa wadeede ley hitaande jokkoore e nde woteeji dii ngadaa ndee

So sarti tonngaado e sariyaawol tatobol ngol hibbii, tawii woteeji deppite'en dii lanndinaaka, Asammbile nasonal camminaado oo wartirte e golle.

**Sariyaawol 70:** So gollirde sawuusi mawde dee, ndimaaku leydi ndii, kibbal mayri, gollugol aadiji bamondiraadi e leyde adunaaru nduu kulbinaama doon e doon no boniri, laato no golle laamorde leydi ndii yaarata nii fooccaaki, Persidan leydi ndii ana waawi fiide dabareeji keertaadi garrudi waajibi saabe alhaali oo caggal lamndondirgol makko e permel minisiri oo, e persidan Asammbile oo, Sena oo e Suudu nuuygal sariyaaji nduu. Mo humpintiniran Leydi ndii bataaki.

Parleman oo batan dow sariya.

Persidan leydi ndii, donnugol makko dii laamuuji, no laatii fuu haanaa bonnude ndimaaku leydi ndii kepum e kibbal mayri.

Laamuuji keertaadi dii, ana kaani faandaade reende golle leydi ndii fati daroo, di ndatina golle gollirde sarwuusi mawde dee no yaawri hono no nuuygal sariyaaji ngal wiiri nii Ley golle laamuuji keertaadi dii, gollirde mawnde fey wootere waawaaka sammineede naa sindeede.

Sariyaaji bamaadi Asammbile ley wattu nde laamuuji keertaadi dii gollata ndee gollirtaake so Asammbile sellinaali di ley sarti balde capande jeenay caggal ko di pudfi gollireede koo.

**Sariyaawol 71 :** Persidan leydi ndii ana waawi halfinde yoga e laamu mum oo permel minisiri.

Golleeji Persidan leydi ndii di ngaldae e kollaadi ley sariyaaji 57, 60, 65, 69 e 70 kapum e tayre winndannde sariyaawol goodungol ngol yo permel minisiri sippindinta e makko

**Sariyaawol 72 :** Sariya darnata nafakaaji dokketeedi Persidan leydi goodudo oo e persidan en leydi hibbe heddodiibe e hakke leydiyankaaku bee.

**Sariyaawol 73 :** Persidan leydi ndii ana waawi kalmeede so mo tawaama e jamma mawdo

Asammbile ana waawi ittude mo so mo tawaama e jamma mawdo.

Dum yo jamma mawdo so Persidan leydi fiirtii waatoo mum.

Hiitagol ittugol makko ngol yo gooto gooto e yimbe Saamburuuji didi dii bamata anniya mum. Ngol jabantaake kinaa tawee famdi fuu do taton ngonni fuu didon e yimbe bee cippina.

Saamburu wondaandu nduu haaldan e waalde barkaniire ndee faa fudda honnjooji e lamndi bajibiidi dii, ley majjum, waalde ndee hiitoo yalla laawol ngol ana waawi jokkeede naa ngol waawaa.

So waalde ndee darniike wiide ngol waawaa jokkeede, laawol ittugol makko ngol darnete, kaa kinaa semmbe golloobe bee jabana dum.

So ittugol makko ngol jabaama, dun hollitinte Saamburu wonndu nduu ley sarti balde jeetti, indu haani hollitinde hono mum ley sarti balde sappo e joy. So happugol ngol jabaaka, laawol ittugol ngol darnete

Saamburuuji didi dii, happugol majji ana sabinbina, dow sariya, sammingol bure Persidan leydi ndii.

Saamburuuji didi dii, e ley majjum, mbatidan dow ittugol Persidan leydi ndii e laamu. Ittugol makko e laamu ngol ana warree dow wote, do nayon ngoni fuu taton njabana ittugol ngol

Daade wotanbe ittugol makko ngol tan hiisetee. Batuuji joodotoodi ley majjum dii yo persidan Kuur siperem ardotoo dum.

Persidan leydi ndii ana jogii hakkeegi tewtude faabotoobe. Omo waawi faabitoraade awoka mo yidi ley laawi sariya dii fuu.

Sariya keertaado famminta sardiiji donnugol sariyaawol goodungol ngol.

**Sariyaawol 74:** Persidan leydi ndii, kapum darotoo yeeso gollirde sariya foroba bannal jukkungooji naakko'aakue bonanndaaji gaddi di ngaladaa e golleeji makko dii.

Kaano, waawaaka wajimbineede e makko mo seedo, naa mo jokkatee, naa anketti wadee dow makko illa doo faa sarti laamu makko timma. Kala sarti bannal jokkitagol makko sariya sinndaama

Lamndi e laawi sariya tonngudi mo dii ana waawi bamteede feewde e makko lewru caggal yaltugol makko e laamu.

## **TUMMBITERE II : BANNGAL GOFORNAMA**

**Sariyaawol 75:** Gofornama oo yo permel minisiri hooreejo gofornama oo, e minisiri en wobbe bee.

Sariya keertaado darnata adadu yimbe gofornama oo.

**Sariyaawol 76:** Gofornama oo daronto politik leydi ndii, mo persidan leydi ndii darnii. Njuɓɓudi sarwuusiji laamu oo e jeyal makko woni.

**Sariyaawol 77:** Permle minisiri oo kapum woni hooreejo gofornama oo. Ley majjum, kanko wi'anta golleeji gofornama oo.

Kanko daronto gollal sariyaaji ngal. Kaa sardi mum yo rewde sariyaaji 66 e 67 dii, Kanko sabiminta rewgol sariyaaji.

Omo waawi halfinde yoga e laamu makko oo minisiri'en wobbe bee.

Kanko loomtotoo persidan leydi ndii bannal hooreyaaku batu minisiri'en dow heertaade ko batetee dow mum koo.

Kanko loomtotoo on bannal hooraaku konse daraniido ndeenaagu leydi ndii oo fuu.

Talki permel minisiri oo, won no warrata, yo minisiri'en wobbe daraniibe golle majji bee cippindinta e makko.

**Sariyaawol 78:** Gofornama oo hawjotoo golleeji dii tiloo haaltana persidan leydi ndii

**Sariyaawol 79:** Yimbe gofornama oo ndokkan Kuur daraniido kontuuji oo talkuru kollital jawdi mabbe ley binndi ley sarti heewi fuu fati yabbo balde capantati caggal joonde mabbe.

Persidan kuur kontuuji oo martinan jamaa oo kumpa kibbal talkuru nduu e keydintini kaandi wadeede e mum.

Sardiiji Sariyaawol 52 ngol ana mbaawi donneede dow yimbe gofornama bee.

**Sariyaawol 80:** Permle minisiri oo hollan, yeeso Asammibile oo, heeyo golleeji anniyaadi gofornama oo. Hollugol ngol wadan yeeso gooto gooto e saamburuuji didi dii fuu heewi fuu balde capantati caggal haala Persidan Leydi ndii dow no alhaali mayri worri. Won no worrata, jokenee e haala Persidan oo yeewtere wondunde e jamirooje

**Sariyaawol 81:** Golleeji neddo gofornama fuu yaadataa e sarti golle sarti deppiteyaaku, naa wakiilaaku banngal golle ley leydi ndii naa duu bannge gooto mayri, naa kala golle goddo foroba, naa golle naannoowo jawdi.

**Sariyaawol 82:** Yimbe gofornama bee kapum'en ndoondotoo kala jaakko'aakuuji naa bonanndaaji gaddi ley laamu mabbe.

Kuur sipereme oo, kapum jogii baawe jokkitagol e lugagol. Sargol ngol e juude tirbine sariya bone foroba dee woni.

Sardiiji dewtere sariya bone ndee donnata sariyaaji wonande jokkitagol ngol, lugagol ngol e sargol ngol.

### **TUMMBITERE III : BANNGAL NJUBBUDI LAAMU**

**Sariyaawol 83:** Laamu oo wadata golleeji ceertudi di, nafaa mum yottotoo jamaa fuu, di saabe mum gollirde dee joyfiniraa.

**Sariyaawol 84:** Laamu oo faabootoo yirwingol kebal, neddaaku e neesu ley wattangol makko hakkille no woodiri e kasindine suudu-baaba e nawtortoobe gollirde dee ley laabal, rewgol hakke bii-aadama e demokaraasi.

**Sariyaawol 85:** Golloobe laamu bee ana kaani ley golleeji mum'en dwtanaade sariyaaji mawdi onngooji sarwuusi laamu caawdi laawol sariya, potal, rafi burdinal, rafi jinngangol e jokkitagol golle.

Ebe kaani rewde sariyaaji needi gollirde dii, buri fuu banngal laabal e needi.



**Sariyaawol 86:** Laamu leydi ndii wattanan hakkille famugol yimbe ley gollirdé foroba dow rewde sariyaaji laabal, fonndugol yimbe fuu, tawee golleeji mabbe duu ana fawoo dow baawe e mbarkaanaaku.

**Sariyaawol 87:** Laamu leydi ndii wattana hakkille yalla golloobe bee ana keba alhaaliiji lobbi ley golleeji mum'en, njoddiji lobbi e ndeenaagu tilsudum banngal woodingol golle mabbe oo.

#### **TUMMBITERE IV : SUUDU LAAMU GOLLONOORU HOORE MUM**

**Sariyaawol 88:** Suudu laamu gollonooru hoore mum nduu, golleeji mayru yo banngal curundiral, dartingol, honnjagol e haybugol, reenugol ndimaaku e hakkeji bibbe-aadama, lanndingol e hawjagol woteeji dii.

Sariya joy/yini Suudu laamu gollonooru hoore mum nduu.

#### **TUMMBITERE V : BANNGAL LARME E NDEENAAGU**

**Sariyaawol 89:** Soldaasi en bee kumanii reenugol e kibbal leydi ndii, reenugol yimbe e jawle mum'en, niibugol jam leydi ndii e tabintingol sariyaaji laamu. Kambe paabotoo golleeji banngal yirwere kebal, neddaaku, neesu e ndeenaagu hawaalu.

**Sariyaawol 90:** Soldaasi en bee yo leydi ndii be ngoni e wii mum. Laamu oo be ngollanta, be ngalaa e politik, ebe ngolla dow yamiroore laamu oo.

**Sariyaawol 91:** Soldaasi en bee mbaawaa nawtoreede banngal irsi-orso jamaa leydi so wanaa ko sariya yamiri be koo.

**Sariyaawol 92:** Soldaasi en bee ana mbaawi neldeede ley leyde godde faa be paabo banngal niibugol jam, deeyere e ndeenaagu dow dwtanaade aadiiji leyde adunaaru gollidooje e Mali dee.

**Sariyaawol 93:** Laamu leydi ndii tinnotoo yalla soldaasi en bee ana keba, no niibiri, yimbe golloobe e kaaki gollirdi bajjimbiniidum ley golle mabbe oo. Lanndingol famugol bee yimbe e dii feereji ana wadiree heeyo sariyaaji.

#### **TIITOONDE IV : BANNGAL LAAMU DEPPITE'EN**

##### **TUMMBITERE I : BANNGAL SARDIJI MAWDI**

**Sariyaawol 94:** Suudu laamu wotoobe sariyaaji humanii wotude sariyaaji leydi ndii.

Asammbile oo wotan sariyaaji, iimo no golleeji laamu oo yaarata

**Sariyaawol 95:** Suudu wotoobe sariyaaji leydi ndii ana jogii bolooɗe didi: bolongal depite'en e bolongal Senateer'en.

Kongere yo batu kawrindinoowo depite'en e senateer'en. Persidan Asammbile nasonal woni hoore Kongere oo, jokko makko yo persidan Sena.

**Sariyaawol 96:** Yimbe Asammbile nasonal oo mbi'etee deppite'en

Deppite'en bee ana cubee e wote cuppiido; sarti laamu mabbe yo duubi joy. Sii wote oo ana fawii dow bural wotube, fonnugol naa jillugol.

Malinkoobe joodiibe leyɗe godɗe bee ngon hey'aabe mum ley Asammbile oo hono no laawi sariya dii mbiiri nii

**Sariyaawol 97:** Yimbe Sena bee mbi'etee senateer.

Yimbe wombe ley Sena oo, do nayon ngoni fuu taton bee yo yimbe subaabe e wote cuppiido; kambe ngoni hey'aabe suudu-baaba. Rewta hen Kasen duu, do nayon ngoni fuu gooto e mabbe yo keyaado laamunkoobe bee, ameeru en geelle bee, malinkoobe joodiibe leyɗe godɗe e haalaa nane'en gollanbe suudu-baaba bee.

Sarti joonnde yimbe Sena oo yo duubi joy.

**Sariyaawol 98:** Fey gooto waawaa laataade keyaado e Asammbile nasonal e keyaado Sena ley wakkati gooto.

**Sariyaawol 99 :** Sariya tinndinta laawi wote deppite'en Asammbile oo. Kanka hollata laawi wote subagol senateer'en.

**Sariyaawol 100:** Sariya keertaado gooto darnata, wonande gootel e Saamburuuji didi dii, kawral dow waawgol wotaneede, waayde waawde wotaneede e ko yaadataa. Sariya kaa ana fammina duu so golloowo Asammbile naa Sena ana wattitee so joonnde bolde maataama

**Sariyaawol 101:** Sariya keertaado darnata geenaari e nafakaaji goddi dokketeedi deppite'en e senateer'en.

**Sariyaawol 102:** Caggal fuddugol mabbe golle oo, ley balde capantati, Persidan Kuur kontuuji oo neldete talkuru kollital jawdi deppite'en bee e senateer'en bee.

Dii talki kolliti jawdi ana kaani heyɗintineede hitaande fuu illa do faa nde joomum yoppi golle.

Persidan Kuur kontuuji oo humpitinan jamaa oo kollital jawdi ngal e heyɗintingol mum.

**Sariyaawol 103:** Deppite'en bee e senateer'en bee mbaawataa nawtoraade bure deppiteyaaku dee so wanaa so ebe keddi e golle mabbe. Be mbaawaa jokkiteede banngal sariya, naa uddeede kasu, naa jukkeede saabe miiijooji mabbe naa woteeji di be ngadi le joolle deppiteyaaku oo

**Sariyaawol 104** : Kala deppite naa senateer jukkaado saabe jaakko'aaku timmudo ittete e joonnde mum dow yamiroore minisiri kumaniido sariya oo. Non dum worri duu feewde e kala deppite naa senateer jukkaado kasu hitaande e ko fawii ko waldaa e munanal.

**Sariyaawol 105** : Kala sarti golle gardudo juujuure fuu yo meere jatortee.

Hakke wote yimbe Asammibile oo bee ana heertanaa gooto gooto e mabbe fuu. Sariya ana waawi yamirde neddo wotana goddo. Ley majjum, fey gooto waawaa hebude ko buri yamiroore wote wootere.

**Sariyaawol 106** : Kala deppite naa senateer jaltudo e parti politik mum naa e waalde nde mo laati keyaado mum ittete e joonnde mum.

Yaltugol mabbe e ley parti naa ley waalde ndee sellinirte talkuru. Naatugol e parti goddo naa e waalde wonnde ana jatoree yoppitingol golle

Deppite naa senateer joppitindo darnde mum loomtinte no sariya gollirido oo wiiri nii

**TUMMBITERE II : BANNGAL NO GOLLE ASAMMBILE OO  
YAARATA**

**Sariyaawol 107** : Asammibile nasonal e Sena njooddoto e batu, dow sariya, koyde didi ley hitaande .

Joonde arandeere ndee ana fudda altineere arandeere ley lewru oktoobuuru. Sarti joonnde ndee waawaa yabbaade balde capande jeddi e joy.

Joonnde didoberde ndee ana fudda altineere arandeere ley lewru Aawiril. Sarti joonnde ndee waawaa yabbaade balde capande jeenay.

**Sariyaawol 108**: Asammibile ana waawi joodaade ley batu juujuure, so e dow bi'aangol persidan leydi ndii, naa duu e dow bi'aangol semmbe golloobe Asammibile nasonal oo naa Sena oo, dow heertaade ko batata dow mum.

So joonnde juujuure wadii hen, dekere timminoowo golleeji dii ana sijninee caggal so ko batatee dow mum koo tilike, heewi fuu ley balde sappo e joy caggal nde batu oo noddaa ndee.

**Sariyaawol 109** : So batuuji Asmmibile boowaadi dii yaltii hen, Persidan leydi ndii sijninta dekere udingol naa uddugol batuuji juujuure dii.

**Sariyaawol 110** : Ana wajimbinii e deppite naa senateer tawee ley batuuji noddeteedi dii,pati sariyaaji jukkungo Asammibile oo naa Sena oo dii ndoga dow mabbe..

**Sariyaawol 111** : Gooto e saamburuuji didi Asammibile oo dii fuu moyfinan sariyaaji mum'en gollirdi. Kanji ndarnata duu sardiiji gollirdi kongere oo.

**Sariyaawol 112** : Persidan Asammibile nasonal oo e persidan Sena oo so be cubaama e wote, be keddoto e dardé mabbe faa sarti keertanaado joonnde ndee timma.

**Sariyaawol 113** : Persidan Asammibile nasonal oo kapum e persidan Sena oo ana waawi itteede e joonnde mum'en saabe rafi rewugol golleeji di be kalfinaa dii.

Faa ittugol mabbe ngol jabee, kinaa do taton ngoni e Saamburu gondaado oo fuu, didon mum'en cijnina anniya ittugol ngol.

Laawol sariya ittugol e joonnde fey gootol anniya mum waawaa bameede ley duubi didi jokkudi e joonnde Persidan Asammibile nasonal oo e Persidan Sena oo.

Ittugol ngol ana wadiree bural taton dow nayan e saamburu gondaado oo, hono no laawi sariya gollirdi mabbe dii mbiiri nii.

So ittugol ngol sellii, Asammibile nasonal oo naa Sena oo wadan wote joyyinirfo Persidan keso ley no sariyaaji gollirdi mabbe dii mbiiri nii. Persidan keso oo hibbintinta sarti golle persidan ittaado oo.

**Sariyaawol 114** : Joolle batu saamburuuji Asammibile oo yo foroba e homo fuu. Kaanoo, saamburu fuu ana waawi wafande hiini-hoore mum batu cuuccukka naa dow bi'aangol gofornama. Sariyaaji gollirdi dii pamminta laawi dii.

Talkuru kumpital kibbal dow ko hawraa e batuuji dii winndete ley jurnal laamu.

### **TUMMBITERE III : BANNAL SARIYA E SARDIJI GOLLIRDI**

**Sariyaawol 115** : Sembe deppite'en ngotata sariya fuu gaddaado Asammibile. Ana jeydaa e fannu sariya, kala sardiiji godfi gondi ley nuuygal sariyaaji ngal:

- hakkeji yimbe e gaarantiji mawdi dokketeedi leydiyankoobe faa tabintina ndimaaku foroba;
- dowtaare nde ndeenaagu leydi ndii jappi e bibb-leydi bee e jawle mum'en;
- bii-leydiyankaaku, hakkeji siwil'en, alhaali e baawe bii-aadama, alhaali dewle, ndonuuji e dokke, sii jeyal, hakkeji e bajimbinaadi dow siwil'en e jaagu, alhaali jamaa, teetugol;
- jaakko'aakuuji e bonanndaaji kapum e jukkungooji baawdi donneede dow mum, laawol sariya bonnde, poliisi gollidoowo e juuju'en, sardiiji golle ofiisee'en minisiri, sardiiji golloobe sariya;
- Sardiji mawdi golloobe laamu ;
- Sardiji mawdi golloobe larme e ndeenaagu ;
- Sardiji golle juuju en ;
- Sardiji janginoobe jannde dowuure e humaniibe ndaartugol annde ;

- Sardiiji peewdi golleeji godfi ;
- Sardiiji yaltingol kaalisi, kabaaru lampo, adadu e laawi nangirdi lampo ;
- Lanndinal mawngal ndeenaagu leydi ndii ;
- hakkeeki yimbe banngal golle, ndeenaagu, hakke senndika;
- Jannde e ndaartugol anndal ;
- Reenugol jawdi finaa-tawaa suudu-baaba e jannde anndal kulle kiiddé ;
- Hiisagol jawdi foroba ;
- Reenugol hawaalu ;
- Sardii darnugol, lanndingol e honnjagol gollirde foroba;
- wartirgol hawju gollirde e jeyal laamu, tottugol jeyal gollirde foroba dee gollirde jonforo dee;
- Jubbondiral wote ;
- Lepi cuudi baa-baa dii laamoo hoore mum'en ;
- Lanndinal yubbondiro laamu leydi ndii ;
- Hawjagol e tottugol nokku laamu ;
- Lanndinangol kebal ;
- Lanndingol tayugol sariyaaji ;
- Sardiiji kasu.

Sariya finansi oo famminta jawdi e almusadfaaji laamu oo hono no sardiiji gollirdi dii mbiiri nii.

Sariyaaji keeyaadi dii famminta faandaaji golle kebal, nedfaaku, neesu e ndeenaagu laamu leydi ndii.

**Sariyaawol 116** : Sariyaaji godfi di jeydaaka e oo sariya ana njogii alhaali no sarirtee. Sardiiji banngal deppiteyaaku gonnoodi hen ko adii ngal nuuygal sariyaaji dekere ana waawi wattitidde di dow yamiroore Kuur siperemu.

Hono gondi hen caggal ko nuuygal sariya ngal fuddi gollireede koo, dekere waawaa wattitidde dii so wanaa so Suudu nuuygal sariyaaji nduu holliti idi nawtoree banngal sariya.

Sariyaaji dii e sardiiji gollirdi dii ana njeeynee ley jurnal laamu.

**Sariyaawol 117** : Asammbile nasonal joodotoo ley batu keertaado so yamira naatugol e wolde so sembe yimbe makko fuu jabii.

Persidan leydi ndii humpintinan jamaa oo dow bataaki

**Sariyaawol 118** : So wartii e ko hepantee naa huultingol nokku sembe yo batu minisiri'en sellinta dun.

Juunnugol sarti on wakkati faa yābboo balde sappo e joy yo AsammBILE yamirta dūm so semmbe yimbe mum bee fuu jabii. Sariya darnata sardiiji tabintingol majjum.

#### **CHAPITRE IV : GOLLIDAL HAKKUNDE LAAMU DARANIIDO GOLLEEJI E LAAMU DEPPITE'EN**

**Sariyaawol 119** : Bamde anniya sariyaaji to hooreejo leydi ndii e deppite'en e senateer'en too iwrata.

Batu minisiri'en tottondira hakillaaji banngal sariyaaji kaandi bameede dii caggal so Kuur siperemu hokkii miijo mum dow majjum, tiloo be nelda di to gooto e saamburuuji didi dii.

Poroje sariyaaji finansi dii kollete, arannde fuu, AsammBILE nasonal.

Poroje sariyaaji di faandaa mum mawdo yo lanndingol leydi, alhaali laamuuji kagitaadi, darnde ameerien geelle kapum e poroje sariyaaji pewtidi hawaalu e malinkoobe joodiibe leyde godde fuu neldete Sena.

Ko saamburuuji dii mbatata dow mum koo ana saawi, dow jokkondiral no gofornama wiiri nii, ardoragol batu dow poroje sariyaaji mo gofornama oo waddi oo, rewta hen muraaduuji e sariya iwru di AsammBILE dii.

**Sariyaawol 120** : Deppite'en bee e gofornama oo ana njogii hakke moy/intingol golle oo, engol warree batu AsammBILE oo fuu naa batu komisiyon hono no sariyaaji gollirdi saamburuuji dii mbiiri nii.

Caggal puddoode batu oo, gofornama oo ana waawi salaade kala waylitingol ngol mo hollitanooka.

**Sariyaawol 121** : Gofornama ley anniya tabintinde heeyo gollleeji mum ana waawi tewtirde AsammBILE yamira mo mo bama ordonansi feewde ley sarti kerendiido, sardiiji jeydaadi e sariya foroba.

Ordonansiiji dii ana bamee ley batu minisiri'en caggal Kuur siperemu hollitii miijo mum. Di puddan gollireede illa nde di njabanaa ndee. Kaanoo di noottan gollireede so tawii poroje sellingol majji joy/inaaka yeeso AsammBILE ila sarti kertanaado sellingol ngol oo yawtaaka. So sarti inndaado ley sariyaawol ngol oo yawtii, ordonansiiji dii mbaawataa wayliteede so wanaa sariya onngoowo golle deppite'en.

**Sariyaawol 122** : So tawii gofornama tewtirii gooto e samburuuji didi dii waylitiggol sariya, saamburu tewtiraandu nduu ana waawi wotude dow ko hiitondiraa e mum koo fuu naa yoga e mum, ley be ngattana hakkille bayliti di gofornama yidi wadee na jabi

Muraaduuji sariya e bayliti yimbe asammbile ɓee njelii dɩi mbaawaaka jabaneede, so tawii jabangol majju ana wondi e garte hono nakkingsingol jawle foroba, wadde naa sattinde almusadfaaji foroba, so wanaa so dɩi muraaduuji e bayliti jokkinee faanda keɓe potude.

So taykaama, ley laawol sariya ngol won muraadu naa waylitingol ngol yaadataa e sariya kaa, gofornama ana waawi salanaade dɩm. So tawii luuttondiral wadɩi hakkunde gofornama oo e saamburu wondaandu nduu, Suudu nuuygal sariyaaji nduu, dow bi'aangol gofornama oo naa persidan samburu oo, hollitan miijo mum dow majjum ley balde jeetti.

**Sariyaawol 123** : Kala poroje naa muraadu sariya fuu yo saamburuuji didi dɩi yeewdaata dɩm faa ɓe keɓa hawrude dow gootel.

Kiite dow poroje sariyaaji, yeeso saamburu arannde fuu haaldaandu, e dow sardiiji gofornama waddi wadete.

So saamburu wooturu hollaama sariyaaji di saamburu wondu nduu woti dow mum, nduu hiitoto dow ko ndu hollaa koo.

So tawii saamburuuji didi dɩi ndonkii faamrude dow sariya gooto, poroje naa muraadu sariyaaji ronkii jabaneede caggal ko saamburuiji dɩi bati batuuji didi dow mum koo, naa duu so gofornama hollitii heɓaare ila nde saamburu fuu batunoo nde wootere dow majjum ndee permel minisiri won baawde noddude batu jilludo potudo daraniido hollitinde sariyaaji nanndudi dow sardiiji keddiidi dɩi.

Gofornama oo ana waawi hollude saamburuuji didi dɩi sariyaaji di fedde jillunde ndee moyɣini dɩi yalla ɓe njabaniidi.

So fedde jillunde ndee ronki hawrude e dow sariya ngoota, naa so sariya jabanaaka no wiira ley sariyaawol yaɓbiingol ngol nii, gofornama oo ana waawi, caggal Asammbile nasonal naa Sena yeewtike sariya kaa, tewtirde Asammbile timmina kiiti dow majjum.

Ndenka, Asammbile nasonal ana waawi subaade sariyaaji di fedde jillunde ndee moyɣini naa ko kanko e hoore makko mo woti, sariyaaji di Sena oo wayliti gootel naa ko heewi e mum.

**Sariyaawol 124** : Sardiiji di nuuygal sariyaaji ngal jatortoo hono sardiiji gollirdi ana ngotiree ley alhaaliji garooji dɩi :

- Poroje naa muraadu sariyaaji, haala mum waawaa tayeede nde arannde ndee, naa wote joodo dow mum ley saamburuuji didi dɩi so wana so sarti balde sappo e joy caggal joyɣingol majji yawti ;
- Laawol sariya gonngol e sariyaawol 123 ana waawi donneede;
- Omo selliniree wote semmbe yimbe gooto gooto e saamburuuji didi dɩi.

Kaanoo, so luuttondiral wadii hakkunde saamburuuji didi dii, wotanta jabugol mum Sardiji gollirdi dii waawaa tabintineede kinaa so Suudu nuuygal sariyaaji nduu holliti yaadugol majji e sariyaaji mum dii.

**Sariyaawol 125** : Asambibile oo haaldete bannal moyfiingol poroje sariyaaji Finansi dii illa nde joonde mabbe woowaande ardotoonde wattu heeyagol jawdi gollirndi ndee fuddata ndee.

So Asambibile nasonal hollitaali ko woni e miijo mum illa nde arande ndee, faa yottiike balde debe caggal joyfiingol poroje sariya Finansi oo, gofornama tewtiran Sena hiito dow mum. Ndenno sariyaawol 123 ngol nawtorte.

So Asambibile nasonal hollitaali ko woni e miijo mum ley sarti balbe capande jeddi, doon e doon gofornama oo heeyoto jawdi mum gollirdi dow tuugaade kebe hitaande yabbiinde ndee, caggal Kuur kontuuji oo hollitii kiiti hakkille mum e majjum.

**Sariyaawol 126** : Yeeso gooto gooto e saamburuuji didi dii fuu, permel minisiri oo ana waawi wadde, dow wii mum naa so gooto e persidan'en saamburuuji dii tewti dum, kollital haala ngoota gaddoowal tottondiral hakkilaaji ngal waldaa e wote.

**Sariyaawol 127** : Asambibile honnjotoo golle gofornama.

Deppite'en bee ana mbaawi lamndaade minisiri'en bee e ley binndi lamndi yogaaji, been duu ana kaani jaabaade di ley balde sappo e joy caggal nde di njottiibe ndee. Lamndi dii e jaabuujii dii fuu njeeynete ley jurnal laamu.

Ebe mbaawi lamndaade been duu e ley haala lamndi dow kabaaruujii goodudi, no sardiji golle saamburu fuu wiiri nii.

**Sariyaawol 128** : Saamburu fuu ana waawi subaade ley mum fedde honnjotoonde nde baawe lanndinal e laawi no golle mum jaarata ana ndarnaa ley sardiji mum gollirdi dii..

Dun fuu e taweede, fedde honnjotoonde waawaaka darneede so tawii kabaaruujii goodudi dii ana holla jokkitagol sariya wadi e no ngol booyri sariya fuu. So tawii fedde joyfiinaama tilike, golle mayre timman illa nde tayugol sariya kaa fuddi ndee, sabi dun sabimbini darnugol mayre.

## **TITRE V : BANNAL LAAMU TAYOOBE SARIYA**

### **TUMMBITERE I : BANNAL SARDIJI MAWDI**



**Sariyaawol 129** : Laamu caroobe sinndaaki e laamu gofornama kapum e laamu wotoobe sariyaaji. Omo tabintiniree ley golle Kuur siperemu oo, Suudu nuuygal sariyaaji nduu, Kuur kontiiji oo kapum cuudi sariya godfi.

Laawi loomtondiri e finaa-tawaaji banngal jifugol baasi ana yamiraa ley dabareeji di sariya darni.

**Sariyaawol 130** : Laamu tayooobe sariya oo haybata ndimaaku paccitaadi ley nuuygal sariyaaji goodungal ngal. Kanko darontoo dōwtanagol hakkeeji e ndimaaku yimbe. Kanko donnata sariyaaji e sadiiji golle leydi gondi e wii makko.

**Sariyaawol 131** : Tayugol sariya ngol ana wadee dow innde bibbe leydi Mali. Fey gooto jinngantaake dow sariyaaji tayeteedi dii.

Sariyaaji tay'aadi dii mbinndete hawra e sarti keey'aado oo hono no sariyaaji gollirdi dii mbiiri nii, dow hulde jukkungo laamu.

**Sariyaawol 132** : Juuju'en bee, ley golleeji mum'en, sariya tan be dōwtontoo. Juuju en joonde bee cottataa fey.

**Sariyaawol 133** : So juugu luuttii golleeji mum ley hewtaare, rafi heedaagol e laabal dii idun jatoree golle bondo kaando jukkeede, won no warrata sariya jokitoto mo tawee garte fuu ngalaa hen.

**Sariyaawol 134** : Persidan leydi ndii woni gaaranti hewtaare laamu tayooobe sariyaaji bee.

Konse dowuure juuju'en ndee faabondirta e makko.

**Sariyaawol 135** : Konse dowuure juuju en ndee haybata golleeji juuju en bee, nde tiloo nde waajoo dow kibaaruuji goodandi hewtaare juuju en.

Kayre darotoo hono Konse neediyankaaku wonande juuju en bee.

**Sariyaawol 136** : Leydiyanke fuu ana jogii hakke wullitoyaade to Konse dowuure juuju en too hono no dum heey'ora leyy sariyaaji gollirdi dii nii .

**Sariyaawol 137** : Feccere golloobe Konse dowuure juuju en ndee yo yimbe iwruube gollirde godde ko waldaa e tayooobe sariya bee .

**Sariyaawol 138** : Sariya gollirdo darnata hakkeeji, caawki, lanndinal e sardiiji onngooji Konse ndee.

## **TUMMBITERE II : BANNGAL KUUR SIPEREMU**

**Sariyaawol 139** : Kuur siperemu woni Suudu sariya burndu fuu toowde banngal tayogol sariya e hawju laamu.

Endu jogii baawe jabbaade wullitotoobe e waajaade be.

**Sariyaawol 140** : Kuur siperemu oo, ley ko jeydaa e golleeji mum, ana hiitoo kala gullitaali immingol sariya tayaado.

**Sariyaawol 141** : Kuur siperemu oo ana hollita miijo mum dow kala kibaaru sariya jeydaado e golleeji makko.

**Sariyaawol 142** : Juuju mo persidan leydi ndii joyyiniri dekere laamotoo Kuur siperemu oo dow yarraa muya Konse dowuure juuju en ndee .

Jokko persidan oo kaɗum e gollidiɓbe wobbe Kuur siperemu oo ana njoyyiniree non kaɗum'en duu.

**Sariyaawol 143** : Sariya gollirdo darnata hakkeji, lanndinal e sardiiji onngooji no golle oo yaarata kaɗum e laawi jokketeede feewde e Kuur siperemu oo .

### **TUMMBITERE III : SUUDU NUUYGAL SARIYAAJI**

**Sariyaawol 144** : Suudu nuuygal sariyaaji nduu humanii dowtaanagol sariyaaji leydi ndii, kayru woni gaaranti hakkeji mawdi ɓiɓbe-aadama e ndimaaku foroba.

Nduu salndu dartinta no golle sarwuusiji mawdi dii e laamuuji foroba dii yaarata.

**Sariyaawol 145** : Suudu nuuygal sariyaaji nduu ana jogii golloobe njeenayon annditirteebe konse'en.

Sarti golle konsee'en bee yo duubi jeddi di keydintintaake.

Golloobe njeenayon Suudu nuuygal sariyaaji nduu no cubirtee annii:

- Hooreejo leydi ndii suboto yimbe didon;
- Hooreejo Asammibile oo, neddo gooto;
- Hooreejo Sena oo, neddo gooto;
- Batu mawdo juuju' en, yimbe didon ;
- Jannginoobe lekkol didon be golle mum yo widitagol anndal sariya no golle laamu yaarata, be gubal hooreebe iniwersite mo jannde mum fawii dow sariyaaji pamminooji no golle laamu yaarata, cubii.
- Waalde awoka en, neddo gooto.

Konse'en bee ana cubee ley jannginoobe ndaartoobe anndal banngal sariya, awoka en, juuju en wombe e golle famdi fuu duubi sappo e joy, kaɗum e barkaani en wobbe seettanaabe ngollanii leydi ndii.

Waajotoobe subaabe bee ana njoyfiniree dekere mo Persidan leydi ndii bami

**Sariyaawol 146** : Persidan Suudu nuuygal sariyaaji nduu yo gollidiɓbe mum bee cubotoo.

So won do ujuuru hewtiimo wattu seeda, konsee keeccudo fuu oo loomtotoo mo.

So konsee gooto maayii naa yoppitii golle, fedde daraniinde subagol ndee subotoo konse keso jottintinoowo sarti golle oo.

**Sariyaawol 147** : Suudu nuuygal sariyaaji nduu ana haani wattande hakkille dowtanagol sariyaaji gollirdi dii fade majji sellineede, non nduu haani wadde duu feewde e sardiiji gollirdi onngooji Asmmbile nasonal, Sena e kongere dii fuu fada majji nawtoreede.

Persidan leydi ndii hollitan Suudu nuuygal sariyaaji nduu sardiiji gollirdi dii fade majji sellineede.

Persidan leydi ndii, persidan AsammBILE naa sappobere deppite'en mum, persidan Sena naa sappobere senateer' en mum fuu ana mbaawi hollitinde Suudu nuuygal sariyaaji nduu, sariyaaji goddi dii fade majji sellineede.

Persidan AsammBILE nasonal e persidan Sena neldata Suudu nuuygal sariyaaji nduu sardiiji mum'en gollirdi fade majji nawtoreede. Sardiiji onngooji Kongere oo duu toon neldete so sellinee.

So Suudu nuuygal sariyaaji nduu yottinaama kibaaru gooto, idun darna sarti sellingol sariya kaa

Hono no wiiraa ley tayre binndi 1 e 3 Sariyaawol goodungol ngol, Suudu nuuygal sariyaaji nduu hiitoto dum ley balde capantati. Kaa dum fuu e taweede, so ko hejii wadii, gofornama oo ana waawi tewtirde be sarti oo wartiree balde jeetti.

Sariyaawol fuu kollitaangol yaadataa e sariya waawaa sellineede naa nawtoreede.

**Sariyaawol 148** : Suudu nuuygal sariyaaji nduu sarata kiite jeye hakkunde gollirde sarwuusi mawde leydi ndii. Persidan en deen gollirde mbaawi wullitoyaade to mayru too.

**Sariyaawol 149** : Suudu nuuygal sariyaaji nduu foocagol wote persidan leydi ndii kaɗum e golleeji referanndom dii fuu. Kayru jaakititto gullitaali gadaali caggal wote, tiloo hollita ko timmi e wote.

**Sariyaawol 150** : Suudu nuuygal sariyaaji nduu ana saraa so kiiti ngadi caggal wote, dow foocagol wote depite'en naa subagol senateer'en.

**Sariyaawol 151** : Kala ndaartoowo laamu, waalde politikki fuu, laamu daraniido lanndinal woteeji fuu ana mbaawi wullitoyaade Suudu nuuygal sariyaaji nduu so kiiti ngadfi e foocagol wote oo.

So ndu jabii ko wi'aa koo, won no worrata, indu waawi imminde wote kiitondiraado oo naa moyfintinde jaabuujii jaltudi e wote oo dii.

**Sariyaawol 152** : Persidan leydi ndii, persidan Asammibile naa sappobere deppite'en mum, persidan Sena naa sappobere senateer' en mum fuu ana mbaawi hollitinde Suudu nuuygal sariyaaji nduu aadiiji leyde adunaaru keeyaafi ley sariyaawol 182 fade majji tabintineede.

Suudu nuuygal sariyaaji nduu jaakititto ley sarti balde capantati, so tawii aadiiji dii caawaa ko luuttondira e nuuygal sariyaaji ngal.

Kaa dum fuu e taweede, so ko henii wadfi, persidan leydi ndii ana waawi tewtirde be sarti oo wartiree balde jetti.

Aadi fuu hollitaandi ana luuttondira e nuuygal sariyaaji ngal waawaa sellineede.

**Sariyaawol 153** : So neddo gooto hollitii wiide sariyaawol gooto ana toona hakkeji naa ndimaaku gondi e nuuygal sariyaaji ngal dii, Suudu nuuygal sariyaaji nduu ana waawi holliteede kibaaru oo ko adii neldugol Kuur Siperemu.

So won ko yaadataa e sariyaa heeyaama, suudu tayooru sariya nduu darnan sargol ngol illa doo faa ndu heba yamiroore Suudu nuuygal sariyaaji nduu.

Sariyaawol fuu kollitaangol yaadataa e sariya ittete dow tuugaade tayre binndi yaabbiinde ndee. Suudu nuuygal sariyaaji nduu timminta garte ittugol ngol.

Sariya gollirde tinndinta laawi donnirdi ngol sariyaawol.

**Sariyaawol 154** : So suudu nuuygal sariyaaji nduu tayii sariya, wala fuu do dum waawi wulliteede. Ko ndu timminii fuu donnete dow gollirde laamu dee, laamunkoobe sarwuusiji dii kapum e gollirde e golloobe mum fuu.

**Sariyaawol 155** : Sariya gollirde darnata sardfiji lanndinal e no gollo Suudu nuuygal sariyaaji dii jaarata, rewta hen laawi jokketeedi yottaade nduu.

#### **TUMMBITERE IV : BANNGAL KUUR KONTUUJI**

**Sariyaawol 156** : Kuur kontuuji oo woni suudu sariya dowuuru e gollirde dowuure honnjotoonde jawle foroba. Honnjagol e lamndondiral sariya fuu ana jeydaa e gollleeji mayru.

**Sariyaawol 157** : Kuur kontuuji oo ana faabondira e gofornama oo e Asammibile oo fuu ley honnjagol sariyaaji jawdi e iimagol dabareeji forobaaji.

**Sariyaawol 158** : Kuur kontuuji oo jaakititto kontuuji kontaabulu en laamu bannagal jawdi e kaaki. Kayru wattanta hakkille foccagol gollal jawdi, ndu jukka ellaaji gaddi e hawju oo, ndu hollita, tiloo ndu labbina hawjuuji dfi.

**Sariyaawol 159** : Kuur kontuuji oo ana waawi wakkati fuu honnjaade, so dow hiini-hoore mum, so dow wii Persidan leydi ndii, naa permel minisiri oo, naa persidan Asammibile oo, naa Persidan Sena oo.

**Sariyaawol 160** : Kuur kontuuji oo jaakititto kontuuji baale poilitik dee.

**Sariyaawol 161** : Kuur kontuuji oo neldete talki kollitooji jawdi laamunkoobe yogaabe hono no sariyaaji 56, 79 e 102 mbiiri nii.

**Sariyaawol 162** : Persidan leydi ndii joyyinirta e ley dekere Persidan Kuur kontuuji oo e gollidibbe mum fuu, dow yarra muya Konse dowuure juuju en ndee.

**Sariyaawol 163** : Sariya gollirdo darnata sardiiji lanndinal e no gollo Kuur kontuuji oo yaarata, rewta hen laawi jokketeedi yottaade mo.

## **TIITOONDE VI : BANNGAL KONSE KUMANIIDO KEBAL, NEDDAAKU, HAWAALU E FINAA-TAWAA**

**Sariyaawol 164** : konse kumaniido kebal, neddaaku, hawaalu e finaa-tawaa oo, ana jogii baawe dow kala kabaaruuji bannagal yirwere kebal, neddaaku, hawaalu e finaa-tawaa. Omo faabo kala fedde daraniinde nafaa leydi ndii bannagal yirwere kebal, neddaaku, hawaalu e finaa-tawaa.

**Sariyaawol 165** : Konse kebal, neddaaku, hawaalu e finaa-tawaa ndee hawrintinan hitaande fuu kasindine jamaa, yelaaji e tiidallaaji mabbe, tiloo winnda talkuru kumpital saawndu tinndini e jamirooje. Nduu talkuru neldete feewde e Persidan leydi ndii, permel minisiri oo, persidan en Saamburuuji didi dfi.

Hitaande fuu ndee gollidan e gofornama oo bannagal iimagol ko yalti e jamirooje talkuru nduu.

**Sariyaawol 166** : Konse kebal, neddaaku, hawaalu e finaa-tawaa ndee ana waawi e hiini-hoore mum anniyaade janndeeji pawidi dow kebal, neddaaku, hawaalu e finaa-tawaa ndee, tawee nafaa majji ana yotto leydi ndii.

Talki janndeeji dii neldete Persidan leydi ndii, permel minisiri oo e persidan en Saamburuuji didi dii fuu.

**Sariyaawol 167** : Persidan leydi ndii lamndondiran e Konse kebal, neddaaku, hawaalu e finaa-tawaa ndee dow kala sariya peewtudo poroje sariya Finansi naa poroje sariyaaji heeyagol golleeji.

Dow bi'aangol Persidan leydi ndii, Konse ndee hollitan miijo mum dow anniya sariyaaji bameteedi, ordonansiiji naa dekerejaaji jeydaadi e baawe golleeji mayre.

**Sariyaawol 168** : Konse kebal, neddaaku, hawaalu e finaa-tawaa ndee ana saawi :

- Heyaabe senndika, baale e gube yimbe golloobe ;
- Heyaabe baale rewbe e sukaabe ;
- Heyaabe malinkoobe joodiibe leyde godde.

Ende saawi kasen duu gollidibbe wodde subaabe kammari baawe mum'en annaade banga kebal, neddaaku, hawaalu e finaa-tawaa ndee.

Golloobe Konse kebal, neddaaku, hawaalu e finaa-tawaa ndee ana annditiree kosee'en leydi.

**Sariyaawol 169** : Konse kebal, neddaaku, hawaalu e finaa-tawaa ndee, hitaande, ende joodoto batu boowaado cili didi, booyee fi batu fuu ana yaha e balde capantati ; persidan Konse ndee noddata oon batu.

Omo waawi joyyinde batu juujuure dow bi'aangol Persidan makko, naa semmbe gollidibbe makko bee, tawee booyee fi joonnde ndee yabbataako balde sappo. Hooreejo leydi ndii sijninta dekere uditoowo e uddoowo batu makko.

Joolle Konse kebal, neddaaku, hawaalu e finaa-tawaa ndee yo foroba.

Kaano, ende waawi, dow hiini-hoore mayre naa dow bi'aangol Hooreejo leydi ndii, joyyinde batu cuuccukka.

**Sariyaawol 170** : Persidan Konse kebal, neddaaku, hawaalu e finaa-tawaa oo, yo gollidibbe mum cubotoo dum ley wote illa e joonnde mayre aranndeere ndee. Sarti golle makko yo duubi joy.

**Sariyaawol 171** : Kala golloowo ley Konse kebal, neddaaku, hawaalu e finaa-tawaa ndee fuu waawaa jokkiteete banngal sariya saabe miijooji mum di holliti ley batuuji dii.

**Sariyaawol 172** : Konse kebal, neddaaku, hawaalu e finaa-tawaa ndee ana waawi itteede so luutti golleeji halfinaa dii.

Faa ittugol ngol heba tabitinde, kinaa anniya ittugol makko ngol sijnine, tawee famdi fuu didon dow taton e golloobe Konse ndee cijnini dum.

Anniya laawol ittugol fey gootol waawaa wadeede ley duubi didi aranndeeji caggal joonnde Persidan Konse ndee.

Ittugol makko ana tabintiniree dow wote do golloobe Konse ndee nayon mum ngoni fuu taton bee njaba ngol, hono no sardiiji gollirdi dii mbiiri nii.

Kaa so mo ittaama, Konse ndee lanndinan wote mo persidan keso subete ley mum hono no sardiiji gollirdi dii mbiiri nii. Persidan keso oo yottintinta joonnde Persidan ittaado oo.

**Sariyaawol 173** : Sariya gollirde gooto, ana faccittaa mbaaka Konse kebal, nedfaaku, hawaalu e finaa-tawaa ndee, sardiiji golle makko, kapum e no yimbe mayre cubirtee.

#### **TIITOONDEE VII : BANNGAL YUBBONDIRAL KUBEEJEE LEYDI**

**Sariyaawol 174** : yubbondiral kubeeje leydi ndii ana fawii dow sardiiji onngooji laamuuji kaggitaadi kapum e haggitere laamu.

Leydi ndii ana feccorii kubeeje kapum e laamuuji kaggitaadi.

**Sariyaawol 175** : kubeeje laamu dee, ngoni nokkuuji di hey'aabe laamu ngollata ley mum.

**Sariyaawol 176** : Laamuuji kaggitaadi dii, ngon ley nokkuuji, di bibbe-leydi ngarata biltude haajeeji mum'en.

Konse'en subaade ley wote laamotoo gollirde dee hono wiiraa ley sariya nii.

**Sariyaawol 177** : Sariya darnata, kapum ittata Jaalepi laamu dii e kubeeje dee.

**Sariyaawol 178** : Laamu leydi ndii haybata yirwere lobbere kubeeje dee dow tuugaade paabondiral leydi.

Ley majjum, omo waawi dow rewde sariya hokkude huubeere wootere naa kubeeje keewde baawe naa jawle keertaade ley wattu keayaado. Kaa dun wattana hakkille ngootummaaku leydi ndii e kibbal mayri.

#### **TIITOONDE VIII : AMEERI'EN GEELLE E HAALA NANEE'EN**

**Sariyaawol 179** : Ameeri'en geelle e haala nanee'en kaybata neesuusi jamaa, ley majjum ebe paaboo sembinde baaldal lobbal kawral jamaa, daranaade teedagol e hawjagol baasiji.

Sariya darnata sii laamiibe bee e ameeri'en geelle bee, darde mabbe e golleeji mabbe fuu.

#### **TIITOONDE IX : BANNGAL DEENTAL AFIRIK**

**Sariyaawol 180** : Leydi Mali ndii ana waawi aadondirde e kala leydi wonndi ley ruunde Afirik ndee aadiiji banngal waalde naa naatondiral jamaa, caawdi yoppitinde yoga naa kuubdi ndimaaku faa deental Afirik heba tabintinde.

#### **TITRE X : BANNGAL AADIJI E KAWRE LEYDE ADUNAARU NDUU**

**Sariyaawol 181** : Persidan leydi ndii darontoo termugol e sellingol aadiiji dii. Kakla ko timmi e addiiji, di pawaaki dow termondigol dii, mo humpintinte.

**Sariyaawol 182** : Addiji banngal tefugol jam, jaagu, aadiiji e kawre godde leyde adunaaru nduu, aadotoodi Finansiiji laamu leydi ndii, peewtudi alhaaliiji yimbe, fuu waawaa jabaneede naa sellineede kinaa taw dow sariya, di mbaawaaka gollireede ko adi jabugol naa sellingol majji.

**Sariyaawol 183** : Aadiiji naa kawre jabanaade naa cellinaade no foocori ana jogii, illa nde dee njeeynaa ndee, darja burdo sariyaaji, dun kaa ana woodani kala aadi ngootiri naa kawral gootal fuu so nawtoraama.

### **TIITOONDE XI : BANNGAL YEEWTUGOL**

**Sariyaawol 184** : Persidan leydi ndii e deppite'en bee njeey bamde anniya yeewtagol nuuygal sariyaaji ngal.

Poroje naa yelaa yeewtagol, jabugol mum ana haani fonneede e Saamburuuji didi dii fuu, hendu fuu do taton mum ngoni fuu didon jabana yeewtagol ngol.

Yeewtagol ngol waawataa timmineede kinaa referandom jabana ngol.

**Sariyaawol 185** : Laawol sariya banngal yeewtagol fey gootol waawaa fuddeede naa jokkitede so tawii engol bonna kibbal leydi ndii.

Alhaali ndimaaku leydi ndii, potal diinaaji, sarti laamu Persidan leydi ndii e keewal baale politik, dum kaa fuu waawaaka yeewteede.

### **TIITOONDE XII : BANNGAL SARDIJI KEERTAADI**

**Sariyaawol 186** : Kala laamu gondo e leydi ndii fuu, tuugorde mum won ley nuuygal sariyaaji ngal.

Yimbe leydi ngon hakke rafi dowtaare siwil ngam yidde reenude alhaali ndimaaku leydi ndii.

**Sariyaawol 187** : Kala teetugol laamu karhan ana jatoree jaakko'aaku mo bibbe Mali jaafotaako faa abada.

**Sariyaawol 188**: Kibaaruuji adiidi sellingol Nuuygal sariyaaji goodungal ngal, hono caawdi sariyaaji yaafagol dii, walaa fuu no waawri jokkitede, lakkitede naa sareede.

### **TIITOONDE XIII : BANNGAL SARDIJI YABBOTOODI**



**Sariyaawol 189:** Sariyaaji gollirde hannde dɩi heddoto sellude so tawii dɩ luuttataa Nuuygal sariyaaji goodungal joonin ngal e so tawii duu dɩ laataaki nifaadi faa laabi.

**Sariyaawol 190 :** Ila dɔo faa gollirde sarwuusi mawde dee kese mum njoyfinee, gonde dɔon dee yabbodoto e golleeji mum e jeydaa e majji fuu.

Kaanoo, golleeji Suudu sariya toowndu nduu baman kaaddi ila nde Nuuygal sariyaaji goodungal hannden ngal sellinaa ndee.

#### **TIITOONDE XIV : BANNGAL SARDIJI TIMMINIRDI**

**Sariyaawol 191 :** Nuuygal sariyaaji goodungal hannden ngal hollitinte wote referandom. So tawii ko buri heewde jabaniingal, Persidan leydi ndii waran sellinde ngal ley balde jeetti cagaal hollitingol Suudu nuuygal sariyaaji nduu ko timmi e wote referandom.